



In die demokrasie word aan 'n volk belowe dat hy môre of oormôre oor sy vrywording kan stem.



Die



In 'n volksbeweging word van 'n volk geëis dat hy vandag en elke dag vir sy vryheid sal veg.

JEUGFRONT OFFISIERS KIES TRONKSTRAF

Nege van die 22 Jeugfront-offisiere wie se appél teen die uitspraak en vonnis van die magistraat van Bloemfontein onlangs deur die Appélhof verwerp is, het besluit om tronkstraf te ondergaan in plaas van die boete te betaal. Hulle is indertyd skuldig bevind weens dril oefeninge in 'n kamp en tot twee maande tronkstraf of £25 boete veroordeel. Diegene wie se boete betaal is, is of gedwing deur omstandighede of hul ouers, voogde en vriende het dit vir hulle betaal. Van die nege wat tronk toe gaan, is daar 'n hele paar welgestelde jong boere vir wie die boete 'n kleinigheid sou wees. Hulle verkies egter om nie swakker te wees as 'n jong skooldogter wat die Empire-tronke getrotseer het nie. In die geval van mnr. K. Roos van Clarence, hoofkommandant van die Jeugfront, word 'n besondere offer gebring. Hy staan op die punt om te trou, maar terwille van die ere-straf wat hy verkies om te ondergaan, het hy sy huwelik uitgestel tot later. Voor die tronkdeur is nog verlaas by hulle deur vriende aangedring om hulle toe te laat om vir hulle die boete te betaal, maar hulle het fier en dapper die aanbod van die hand gewys.

Uitlanders Rand Gebiedshoof Aan

Genl. Japie van der Merwe, Gebiedshoof van die Vrystaat, is op 19 Mei in Bloemfontein deur drie Amerikaanse seesoldate aangerand. Genl. en mev. Van der Merwe was op die stasie om 'n paar dames te groet wat met die trein na Kimberley sou vertrek. Die stasie was vol soldate, maar drie het op luidrugtige wyse 'n gesprek met die dames probeer aanknoop. „Shake hands, shake hands,” het hulle hulself voorgestel. Die dames het egter geen notisie van hulle geneem nie.

Juis op daardie oomblik het genl. Van der Merwe hom by die dames gevoeg en hy is ook met „shake hands” begroet. Toe ook hy van hulle geen notisie neem nie, het een van die drie hom met 'n bottel bier oor die kin geslaan. Die hou was so geweldig dat hy bewusteloos neergesak het. 'n Suid-Afrikaanse soldaat wat die affêre aan-

skou het, het geprobeer tussenbei tree, maar hy is ook platgeslaan.

Die hulp van die spoorwegpolisie is toe ingeroep, maar dié het hulle verontskuldig dat dit die werk van die militêre polisie is om op te tree. Die militêre polisie is gesoek en toe een later gevind is, het hy dit nie veilig geag om alleen iets te doen nie. Later is die saak by die speurdiens aange-meld, maar niemand het by genl. Van der Merwe daardie dag opgedaag nie. Later is die saak wel opgeneem nadat die soldate al hul bestemming bereik het.

Onmiddellik ná die voorval is genl. Van der Merwe na die Nasionale Hospitaal gebring, waar die sny oor sy kin deur 'n geneesheer toegewerk is. Hy is later na sy plaas geneem.

Genl. Van der Merwe is deur die soldate uitgeskel vir bl— Boer en bl— Nazi.

Dr. Malan Onthou iets wat Nooit Kon Gebeur Het !

Die volgende verbasende verklaring is in Pretoria deur dr. Malan in die loop van sy toespraak, soos gerapporteer in Die Burger van 25 Mei, gedoen:

„Mnr. Havenga het vir spr. oor 'n verkiesingsooreenkoms genader. Spr. het nie eenvoudig geweier om te onderhandel nie. Mnr. Havenga wou hê dat sittende lede van die Afrikanerparty in die Volksraad en Provinsiale Rade hul setels moes behou EN DAT DIE AFRIKANER-PARTY OOK SOU DEEL IN NUWE ORDE-SETELS.”

In sy skriftelike verklaring van 27 April waarin dr. Malan 'n volledige oorsig gee van sy onderhandelings met mnr. Havenga maak hy geen melding van hierdie laaste eis nie. HY KON OOK NIE, WANT OP DIE TYDSTIP TOE HY EN MNR. HAVENGA ONDERHANDEL HET, WAS DAAR NOG GEEN SPRAKE DAT ADV. PIROW AFSTAND SOU DOEN VAN SY SETELS NIE. EERS DIE VOLGENDE WEEK HET DIE NUWE ORDE-KOUKUS DAARDIE BESLUIT GENEEM, ON TEN DAARDIE TYD WAS MNR. HAVENGA NIE EENS MEER IN KAAPSTAD NIE! Watter vertroue kan die volk in 'n leier hê wat sulke ontsettende bewerings maak?

VRIENDSKAPSENTRUM IN PORT ELIZABETH

Uit Port Elizabeth word verneem dat die Vroue-kommando aldaar met behulp van die Manne-kommando op 1 Mei 'n vriendskapsentrum geopen het, waar lede en goedgesindes gesellig kan verkeer en inligting inwin. Die belangstelling daarin was besonder groot totsover, en soos ook op ander plekke voorsien hierdie sentrum in 'n groot behoefte. Verklaar word dat die vroue-afdeling van Port Elizabeth baie bedrywig is en groot verwagtings gaande maak.

STUDIEBEURSE VAN DIE HELPMEKAAR

Die B-fonds van die Helpmekaarvereniging in Kaapland is nou in staat om lenings aan gevorderde studente toe te staan, d.w.s. studente wat reeds die eerste jaar van die universiteitskursus agter die rug het. Voorkeur sal verleen word aan studente wat 'n kursus in medisyne of die ingenieurswese wil neem. Aansoekvorms en besonderhede is verkrygbaar by die Vereniging se kantoor, kamer 903, Groote Kerkgebou, Kaapstad.

LAERTREKKINGS MET OOG OP VERKIESING

Brandwagte word versiek om nie haastig te word in verband met die aanstaande verkiesing nie. Die regte rigting en leiding sal deur die O.B.-leiding gegee word. Vir dié doel word 'n reeks laertrekkings van offisiere van alle range in die eersvolgende paar weke dwarsdeur die land gehou wat deur die Kommandant-generaal toegesprek sal word.

Die tyd en plek van die laertrekking is as volg:

KAAPSTAD: 15 Junie, Hofmeyrsaal 2 nm.

OUDETSHOORN: 19 Junie, Drilsaal, 2 nm.

GRADOCK: 21 Junie, Sanlamgebou, 2 nm.

BLOEMFONTEIN: 23 Junie, Clarendonsaal, 7.30 nm.

KROONSTAD: 26 Junie, 11 vm.


ONTHOU 8 AUGUSTUS !

Brandwagte moenie net teen die sewende van die sewende maand vaskyk nie, maar moet die agste van die agste maand in gedagte hou. Daar moet nou reeds gewerk word om ons strydfonds op 8 Augustus te sterk.

Waarde vir geld



Ondersteun Ons Adverteerders



EN Bepk

AFRIKANERSAKE gaan van A krag tot krag. Die jongste volksprestasie is dié van Excelsior Meubels, wat vinnig die mark verower met meubels vervaardig deur Afrikaners, be-mark deur en vir die gebruik van Afrikaners.

DRA u deel by in hierdie grootste strewe na selfstandigheid in die meubelwêreld. Koop u meubels by Excelsior en deel in die winste deur self 'n aandeelhouer te word. Excelsior Meubels besit reeds twee Fabriek en vier takwinkels onder dié naam in Johannesburg, Pretoria, Germiston en Bloemfontein asook Goodwood Meubileerders (Edms.) Bpk. van Pretoria en L. D. Phillips (Edms.) Bpk. van Kaapstad wat onder hul name voortbestaan.

'n Kunsbrosjyre sal gratis aan u gestuur word indien u meer wil weet van ons prestasies, doel en dienste.

Die Sekretaris,

EXCELSIOR MEUBELS BEPERK,
Posbus 6670 JOHANNESBURG Spoorbondkasgebou

Stuur u brosjyre aan: M.....

OB 1

KORRESPONDENSIEKURSUS

AFRIKANERS LUISTER HIER! — Hier is die gans wat vir u die goue eiers sal lê: Bestudeer ons Korrespondensiekursus in Boekhoudeur medium van Afrikaans of Engels slegs vier maande lank en word dan 'n gekwalifiseerde Boekhouer met 'n goeie salaris. Ons kursus is goedkoop en doeltreffend. Ons waarborg uitmuntende resultate. Ons spesialiseer ook in Natuurgenesing, Liggaamsbou, Skoonheidskultuur, Magnetiese Persoonlikheid en Energieboukunsusse. Laasgenoemde kursusse word gratis uitgereik aan ons Boekhoudestudente. Besonderhede gratis van: Unie-Boekhoukollege, Posbus 32, Alexandria.

FRANSCHHOEK PRESTEER

Die puik kommando van komdt. Max Smuts van Franschhoek het op Saterdag, 15 Mei, 'n bietjie oefening gehou met die oog op 8 Augustus in die vorm van 'n verkoping. Ondanks die feit dat hulle hul kragte en vermoë eintlik vir Ossewabrandwag-dag bewaar, het hierdie voorlopige onderneming die verrassende bedrag van £107 opgelewer.

HET U AL BESTEL?

Indien nie,
doen dit tog dadelik!
MOËRE MAG TE LAAT WEES

GENERAAL J. B. M. HERTZOG

'n Lewensgeskiedenis

deur

C. M. van den HEEVER

Verskyn Eersdaags

Die boek beslaan ongeveer 900 bladsye met seldsame fotos op kunspapier. U sien hom as seun, as student, as regter, as politikus, as leier, as Eerste Minister, as mens — en dan as banneling in sy eie land!

HIER IS 'N BOEK WAT ELKEEN MOET BESIT

Prys £1-2-6
EN POSGELD 1/6

Weens die oorlogsomstandighede kan ALLEEN kontantbestellings in aanmerking geneem word. Gereed teen die helfte van 1943 MAAR bestel nou.

DIE OPLAAG IS BEPERK



AFRIKAANSE PERS BEPERK

Posbus 845.

Johannesburg.

O.B. Het sy Goeie Trou Bewys Dr. Van Rensburg Voor O.V.S.-Vroue

BLOEMFONTEIN, 16 Mei.—Voor 'n vergadering bestaande uit tweehonderd O.B.-dames in wit gekleed en 'n groot aantal ander belangstellendes, het dr. J. F. J. van Rensburg gisteraand in die ou Stadsaal te Bloemfontein verklaar dat dit die plig van die O.B. is om telkens as die Regering een van die Afrikaners interneer, nogeens so hard te werk teen die huidige bewind. Die funksie is gehou by geleentheid van die spinkursus alhier.

Na aanleiding van die mislukte appél van die 22 Jeugfront-manne, het hy gesê dat daar van baie kante planne beraam was deur mense wat dit goed bedoel het om te verhoed dat die jong-manne na die tronk gaan, want, so het hulle geredeneer, dit is 'n skande om in die tronk te sit. „Natuurlik wil ons nie Afrikaners in die tronk sien nie, maar as ons dogters dit verkies bo verraad-pleging dan durf ons seuns nie agteruitstaan nie.” Van die S.A. Polisie praat spreker altyd waarderend; hulle is Afrikaners wat 'n moeilike plig met eer vervul. Ongehuiklik is daar in die politieke afdeling van die Speurdiens sommige wat hul pligte te buite gaan en in die meeste gevalle is dit die vrou wat die grootste

ONWEERLEGBARE FEIT

„Niemand is uit die Party gesit omdat hy lid van die O.B. is nie,” het dr. Malan in Pretoria verlede week gesê.

Op bladsy 25, art. 3 van die Konstitusie van die H.N.P. in Kaapland, lees ons: „Enige be-ampte en amptenaar van die Party (insluitende Senatore, Volks-raadslede en Provinsiale Raadslede), behalwe 'n gewone lid, lê die belofte in Bylaag E af voor 'n hoër be-ampte of amptenaar van die Party; of voor 'n Kommissaris van Ede of Vrederegter wat die Party plaaslik goedkeur.”

Bylaag E, soos gedruk op bls. 74 van die Konstitusie, lui o.a. as volg:

„Voor God Almagtig verklaar ek plegtiglik en opregtelik dat ek . . . nie lid is van enige ander politieke party of politieke organisasie nie.”

Dr. Malan het die Ossewabrandwag in Oktober 1941 verklaar tot 'n politieke organisasie, en daarom eis hy vandag nog dat niemand kandidaat vir sy Party kan wees solank hy lid van die O.B. is nie. Elke H.N.P.-kandidaat is VERPLIG uit hoofde van sy EED om die Ossewabrandwag te bedank.

vernedering moet ondergaan met huissoekings deur die speurders. Spreker se raad aan die vroue wat so behandel word, is om dit onmiddellik te rapporteer aan die betrokke owerheid of regstreeks aan hom, en hy sal toesien dat hulle dit ontgelde. Daar was 'n geval waar 'n dame 'n speurder wat haar heledig het meegedeel het dat sy hom by die O.B. sal rapporteer en die speurder het mooggepraat dat sy dit tog nie moes doen nie, want dan sou sy naam 'n slegte smaak laat van die Kaap tot aan die Sambesi. Aan die kant van die O.B. staan die openbare mening wat sterker is as die polisiemag of die Regering.

Voorts het spreker die standpunt van die Ossewabrandwag behandel ten opsigte van die binnelandse aangeleenthede. Hy herinner die gehoor aan die offer wat die O.B. bereid was om te doen deur sy aanbod van samewerking met die ander drie organisasies in die verkiesing. Hierdie aanbod is gemaak sonder dat hy enigiets daarvoor gevra het behalwe die reg om teen die Empire te veg. Daar het niks van gekom nie, want die Nasionale Pers het dit verswyg en baie van die mense hoor vandag eers vir die eerste keer daarvan.

Hierdie offervaardigheid het die O.B. se posisie versterk teenoor die oppo-

siesiepartye, want selfs die sterkste teenstanders begin nou die goeie trou van die O.B. besef. As die aanbod aanvaar was, sou die O.B. hom honderd persent agter die opposisiepartye geskaar het en sou hy elke man, elke motor en al sy krag tot die beskikking van die opposisie geplaas het. Nog vrees hy egter dat die elekse 'n groot oorwinning vir die Regering sal wees en dat dit die Afrikanerdom is wat sal verloor.

Ook teenoor die Regering is die O.B. vandag sterker as 'n jaar gelede. In die gelede van die Regering is daar mense wat vandag openlik erken dat die O.B. nog altyd die kommuniste beveg het. Genl. Smuts is nou op baie gladdes grond teenoor die O.B. Sy eie mense wil nie sien dat 'n organisasie wat 'n volkswyand beveg gehinder moet word nie.

Dr. Van Rensburg het voorts aan die Regeringsondersteuners die waarskuwing gerig dat hulle nie te optimisties moet wees oor die tydelike suksesse van die Noord-Afrikaanse veldtog nie. Vandag staan die Europese nasionalisme teen die internasionalisme en na die meer as drie jaar se oorlog is daar nog geen teken dat die internasionalisme gaan wen nie.

In Suid-Afrika voer die Afrikaner die stryd teen die Imperiale bande wat hom bind aan die lot van buitelande en hy sal nie ophou met stry tot dat elke band verbreek is nie.

Met verwysing na die spinkursus in die stad het spreker veral die roeping van die vrou in die O.B. beklemtoon en daarop gewys dat die vrou hier net soos elders sekere pligte het teenoor die samelewing. Sy moet sorg vir die gesinslewe en die sosiale aangeleenthede van ons volk. Sy is die besieling van die man en in gevalle waar die man nog twyfel of wil wankel moet die inspirasie van die vrou hom aanspoor en ophel.

Daar is 'n rewolusie aan die gang in die wêreld en dit is nie 'n rewolusie van geweld nie maar een van gedagte. Die menslike gedagte is besig om om te swaai en dis die O.B. meer as enigiets anders wat gesorg het dat die gedagte van die Afrikaner omswaai na groter vryheid. In daardie sin is ons 'n rewolusionêre beweging. Ons wil en gaan 'n ander standaard daarstel in ons volkswet. Die vrou se plig is eerstens om te help in daardie taak en sodoende sal sy haar regte plek in die samelewing inneem.

Die kursusgangers was almal in die aanbevole witrok aanwesig en telkens gedurende sy toespraak is dr. Van Rensburg huld toegejuig.

Verskeie musieknummers en voordrag is eers afgehandel en na die vergadering is verversings bedien deur die dames van Bloemfontein.

'n Uitstalling van nuttige artikels, gemaak van rommel en afvalmateriaal, is ten toon gestel en het groot belangstelling gewek.

116 Takke 44,000 Lede **AVBOB** Reservefonds 2113,000

Hoofkantoor:

St. Johnstraat 65, BLOEMFONTEIN
Begraafplase, Kisto, Krans, Grafstad

SASBANK

Verrig Volksdiens!

Lenings vir gesalarieerde persone verkrygbaar.
Terne uiters billik.

RAADPLEEG SASBANK

PAARL:— Posbus 266.

WORCESTER:— Posbus 57.

KAAPSTAD:— Posbus 2387.

Ossewabrandwag Stel Belang in Arbeider se Gesinslewe

Persoonlike Aanleg sal in Gesagstaat Aard Van Elkeen se Werk Bepaal

(D.L. 6/43.)

In die vorige bespreking het ons daarop gewys dat die mens alleen langs die weg van pligsgetroue en skeppende arbeid waaragtige ADEL kan verwerf. Ons wil nou daarop wys dat die arbeid ook die enigste weg is waarlangs die GESIN versorg en sy selfstandigheid bevorder kan word.

Dit is deur pligsgetroue arbeid dat die vader of die broodwinner in die lewensbehoefes van die gesin moet voorsien en dit is deur nougesette arbeid dat die jongman hom moet voorberei om die verantwoordelikheid van 'n gesin op sy skouers te neem. Die man wat in staat is om te werk maar te lui daarvoor is en verwag dat hy en sy gesin deur die aalmoese van liefdadigheidsverenigings en die staat aan die lewe gehou moet word, so 'n man moet op sy plig gewys word. Hy het nie alleen 'n plig teenoor sy gesin nie, maar ook teenoor sy volk, omdat sy volk hom en sy gesin nodig het.

Die kapitalistiese stelsel met sy aalmoese, „die krummeis van die tafels van die rykes,” wat die ontevredeenes moet sus as die uitbuiting te swaar druk, het reeds menige volksgenoot so beïnvloed dat hulle nie meer bewus is van hul verantwoordelikheid om hul gesinne deur hul arbeid te versorg nie. Hulle maak staat op die aalmoese. Die Ossewabrandwag glo nie in aalmoese nie. Hy glo net in die eie-arbeid. Die man wat arbeidsgeskik is moet nie iets verwag as hy nie daarvoor werk nie. Teenoor die broodwinners wat nie in staat is om te werk nie, b.v. weens een of ander liggaamsgebrek, onderdom of siekte, moet die volk as geheel verantwoordelikheid vir die versorging van hul gesinne aanvaar. Dit is gesonde sosialisme.

Maar as ons van die standpunt uitgaan dat die gesin deur die pligsgetroue arbeid van die broodwinner versorg en selfstandig gemaak moet word, moet ons ook toegee dat die broodwinner aanspraak het op 'n vergoeding vir sy arbeid wat hom in staat sal stel om sy verpligtinge na te kom. Daarom gaan die Ossewabrandwag van die standpunt uit dat die vergoeding van die arbeid van 'n broodwinner nie net bepaal moet word deur die markwaarde van sy arbeid nie, maar ook en veral deur die verpligtinge wat hy teenoor sy gesin en die volk moet nakom. Onder die kapitalisme het die arbeid 'n gewone handelsartikel geword wat net soos ander artikels op die mark verhandel word. Die kapitalis stel slegs belang in die arbeid en nie in die arbeider self nie. Die Ossewabrandwag, daarenteen, sien in die arbeider die volksgenoot en die onderhouer van 'n gesin en behandel hom as sodanig.

Ook mag ons nie toelaat dat 'n jongman deur finansiële oorwegings weerhou word van sy plig om die verantwoordelikheid van 'n gesin te aanvaar nie. Immers, hy moet juis aangemoedig word om in die beste jare van sy lewe 'n gesonde gesin op te bou. Die Ossewabrandwag stel in die eerste plek belang in die gesin, en eers daarna in die enkeling.

EERS 30 JAAR

Wat gebeur vandag onder die kapitalistiese stelsel? Neem die geval van 'n jongman in een van die uitlandse banke of selfs in die staatsdiens. Wanneer sy salaris in die gewone loop van sake eendag op so 'n peil is dat hy kans sien om te trou, dan is hy amper 30 jaar oud, indien nie ouer nie. Sy beste jare is daarmee heen en in baie gevalle word so 'n persoon onverskillig ten opsigte van die huwelik. Waar hy wel besluit om vroeër te trou as wat sy salaris toelaat, moet hy of hom gedurig kommer oor hoe hy sy inkomste kan aanvul of sy vrou toelaat om self te gaan verdien om die broodwinning aan te vul, met die gevolg dat die gesinslewe daarvoor ly.

Omdat die Ossewabrandwag streef na die herskepping van die gesonde gesinslewe van ons volk en omdat 'n egpaar met kinders vir ons volk meer

word is as 'n egpaar sonder kinders, daarom sê ons dat waar 'n jongman se verdienste weens die aard van sy werk onvoldoende is om 'n gesin te onderhou, en hy liggaamlik en geestelik geskik vir die huwelik is, moet hy gesteun word deur een of ander stelsel van rentelose huweliksvoorskotte of kindertoelaes. By voorbeeld, 'n jongman wil graag trou en hy is liggaamlik en geestelik geskik vir die huwelik, maar hy is finansiël nie in staat om meubels en ander huishoudelike benodighede aan te skaf nie, dan gee die staat hom 'n rentelose huweliksvoorskot wat hy dan alleen vir die koop van huishoudelike benodighede kan aanwend, volgens die behoefte wat daar bestaan en nie vir die bevrediging van 'n weelde-mania nie. Hierdie voorskot is dan binne 'n tydperk van sê 10 jaar terugbetaalbaar, maar by die geboorte van elke kind verval een-kwart van die voorskot. Wanneer die minimum aantal kinders gebore is wat elke gesin behoort te hê, nl. vier, word die voorskot 'n huweliksgeskenk van die staat aan die egpaar.

Maar so 'n huweliksvoorskot sal niks baat as die egpaar in 'n krot of pandok moet gaan lewe nie. Om gesonde gesinsvorming aan te moedig moet ook daarna gestreef word om elke gesin sy eie huis, met 'n stuk grond vir 'n tuin en 'n speelplek vir die kinders daarby, te laat besit. Vir hierdie doel word 'n staatsbeheerde woningkorporasie beoog, wat verantwoordelik sal wees vir die hersiening en vasstelling van alle stedelike grond- en woningspryse, vir die opruiming van agterbuurtes en vir die stelselmatige aanbou van wonings volgens die volksbehoefte. Elke gesin sal dan in staat gestel word om op billike voorwaardes 'n huis van die korporasie te koop.

Die kommuniste sê: „eiendom is diefstal — weg met alle private eiendom!”

Die Ossewabrandwag sê: „vir elkeen sy eie huis en stukkie grond — dit bevorder 'n selfstandige en gesonde gesinslewe.”

VOEDING

Benewens huisvesting het die gesin ook behoefte aan deeglike voeding en kleding om gesond na liggaam en gees te kan ontwikkel. Maar selfs die hardste arbeid van die broodwinner is nie in staat om die selfstandigheid van die gesin te bevorder as toegelaat word dat middelmannen die gesin uitsuig deur woekerpryse vir hul voedsel en kleding te vra nie. Daarom sê die Ossewabrandwag dat geen spekulasie met 'n volk se voedsel geduld mag word nie en dat toegesien moet word dat behoortlike kleding teen billike pryse vir elkeen beskikbaar gestel moet word. Voedsel en kleding moet volgens die behoefte van die volk geproduseer word en nie volgens die winste wat daaruit gemaak kan word nie, en deur strenge prysbeheer moet gesorg word dat geen woekerwinste in die handel daarmee gemaak sal word nie. Verder moet die volk deur opbouende volksorg geleer word om die beste gebruik van die beskikbare voedsel en kleding te maak.

In die sosiale struktuur waarvoor die Ossewabrandwag veg, neem die behoeftes van die arbeidende gemeenskap met hul gesinne die eerste plek in, en nie die ruilwaarde van handelsartikels soos dit die geval in die huidige kapitalistiese stelsel is nie. Die Ossewabrandwag sal hom in die eerste plaas dus toespits op die voorsiening in die elementêre behoeftes van die volk, t.w. voeding, kleding en behuising. Alleen die gesagstaat, nasionaal en sosiaal van aard, kan en sal dit doen.

In verband met die arbeid van die broodwinner vir die onderhoud van sy gesin, gaan die Ossewabrandwag ook van die standpunt uit dat die verdienste van die man voldoende moet wees om in die behoeftes van die gesin te voorsien. Die getroude vrou se hoogste taak en roeping is in die huis, as sorgsame moeder van die gesin, en nie buite in die fabriek of kantoor as aanvuller van die verdienste van die man nie. Die kapitalis stel net belang in die arbeid en nie in die welvaart en geluk van die persoon wat die arbeid verrig nie. Die Ossewabrandwag stel in die eerste plaas belang in die geluk en welvaart van die arbeider omdat hy 'n draer van die volksbloed is en hy sy gesin die beste kan versorg en sy volk die beste kan dien as hy gesond en gelukkig in sy arbeid is.

Die bevordering van die gesinselfstandigheid vereis natuurlik dat elke broodwinner vir die een of ander vertakking van die arbeid voorberei moet wees en in behoorlik besoldigde arbeid ingeskakel moet word. Maar omdat arbeid nie net 'n broodwinning is nie maar ook 'n dienslewering in belang van die volksgemeenskap as geheel, moet elke broodwinner in die arbeid ingeskakel wees waarvoor hy die mees-te aanleg besit en waar hy die beste diens kan lewer. As 'n man in 'n fabriek beter sal deug as op 'n plaas, dan moet hy nie op die plaas bly net omdat hy op een of ander manier sy brood daar kan verdien nie. Elke man op die regte plek, moet ons strewende wees. Dit is die taak van die beroepsopleiding.

In die volgende bespreking sal ons verder op hierdie saak ingaan wanneer ons die arbeid sal beskou in die lig van volksdiens en die vereistes wat dit aan arbeidsorganisasie stel.

(Weens vertraging op die pos het hierdie stuk ons te laat bereik vir die vorige uitgawe.—Red.)

Voeg
DIE DAAD
by
DIE WOORD
Rook



STABILIS AGENTS KAPPE EN BELEGGINGSMPY.

U help in verband met:—

- ① KOOP EN VERKOOP van Plase, Besighede, Vaste Eiendomme in Stad en Dorp.
- ② GELDBELEGGINGS: Op verbande, of in aandele in die handel en nywerheid, teen hoogste koerse.
- ③ LENINGS: Op Plase- en Stads- of Dorps-eiendomme; Private lenings ens. teen laagste rente. Ook Verbandlenings.
- ④ INKOMSTEBELASTINGSTATE word opgestel deur 'n deskundige op die stat.
- ⑤ ALLE KLASSE VERSEKERING word onderneem.
- ⑥ AS HANDELSADVISEURS kan ons u inlig insake stigting, oornamte en aankoop van besighede, voorraadopname ens.
- ⑦ AFSLAERSWERK: Ons onderneem verkoop van vaste eiendomme, huisraad en gereedskap ens. per publieke veiling.
- ⑧ ONS IS AGENTE vir die Helpmekaar Kollege. Doen u inskrywings hier.

U Eie Afrikanerbesigheid!! — Ondersteun dit!!

POSBUS: 1527.

FOON: 3-0764.

„Grondvloer,” Security-gebou, Exchange Place, KAAPSTAD.

GESONDHEID IS MEER
WERD AS RYKDOM

Beskerm u Gesondheid

en

Lewenskrag

Gebruik

LIFEBUOY-
GESONDHEID-
SEEP

DIT IS MEER AS 'N
GOEIE SEEP —

DIT IS 'N GOEIE
GEWOONTE

'n LEVER Produk

W. VOIGT BPK.,
HUGENOOT.

Fabrikante van ...

Kelder en Besproeiings

Masjinerie,

Sleepwaens,

Boerewaens, Ens., Ens.

Foon: Paarl 23.

Posbus 10, Hugenoet.

ONDERSTEUN ONS
ADVERTEERERS

? Ja, laat

STABILIS AGENTS KAPPE EN BELEGGINGSMPY.

U help in verband met:—

- ① KOOP EN VERKOOP van Plase, Besighede, Vaste Eiendomme in Stad en Dorp.
- ② GELDBELEGGINGS: Op verbande, of in aandele in die handel en nywerheid, teen hoogste koerse.
- ③ LENINGS: Op Plase- en Stads- of Dorps-eiendomme; Private lenings ens. teen laagste rente. Ook Verbandlenings.
- ④ INKOMSTEBELASTINGSTATE word opgestel deur 'n deskundige op die stat.
- ⑤ ALLE KLASSE VERSEKERING word onderneem.
- ⑥ AS HANDELSADVISEURS kan ons u inlig insake stigting, oornamte en aankoop van besighede, voorraadopname ens.
- ⑦ AFSLAERSWERK: Ons onderneem verkoop van vaste eiendomme, huisraad en gereedskap ens. per publieke veiling.
- ⑧ ONS IS AGENTE vir die Helpmekaar Kollege. Doen u inskrywings hier.

U Eie Afrikanerbesigheid!! — Ondersteun dit!!

POSBUS: 1527.

FOON: 3-0764.

„Grondvloer,” Security-gebou, Exchange Place, KAAPSTAD.



V.M.K. BPK.,
Groote-Kerkgebou,
Adderleystraat,
KAAPSTAD.

Takkantore dwarsdeur die Unie van Suid-Afrika en Verteenwoordiging in Suidwes-Afrika.

Die Afrikaner-motoreienaar se tuiste
in die teenswoordige motorwêreld.

Sy sterkte en Mekka in die na-oorlogse
motorwêreld. Sorg dat u daarin bly
as u reeds 'n TREKKER is — of
sluit sonder versuim aan.



V.L.A.M. BPK.,
Groote-Kerkgebou,
Adderleystraat,
KAAPSTAD.

DIE O.B., WOENSDAG, 2 JUN. 1943.

Net die Dooie se Hand sal Hy Vat

„Wat gaan u voor 14 Junie doen om eenheid te verkry?” lui ’n vraag wat aan dr. Malan op Potgietersrus gestel is nadat die aanbod van die Ossewabrandwag in verband met die verkiesing onder besprekings was. Die antwoord van dr. Malan as leier van ’n party wat voorgee dat hy in belang van die Afrikanervolk optree, is so leeg as wat dit onversoenbaar is met die taal van ’n verantwoordelike volksleier. Dit lui as volg in Die Burger van 26 Mei: „Hy het gesê dat hy nie verder kan gaan as wat hy reeds gegaan het nie, tensy hy die versekering kry wat hy reeds genoen het.”

Daardie versekering is dat alle groepe buite die H.N.P. hulself moet ontbind en by die H.N.P. aansluit. Sodra dit gedoen is, is dr. Malan bereid om die leierskap van die party voor ’n kongres vir beslissing te lê. Dit is opmerklik dat niemand behalwe dr. Malan begaan is oor die leierskap nie. Die Ossewabrandwag het geen voorwaardes in verband met leierskap gestel nie, en mnr. Havenga het dr. Malan die versekering gegee dat hy (dr. Malan) die parlementêre leier van die opposisie kan wees. Miskien is hierdie saak deur hom aangehaal met die oog op sy eie party-ondersteuners wat in sommige kringe al groot misnoeë openbaar teen hul hoofleier se onverskilligheid ten opsigte van die aangebode hulp.

Dr. Malan se antwoord toon helder en klaar dat hy die volle pond vleis van sy mede-republikeine eis, kos wat dit wil. Hy begeer die kop op ’n skottel nie van Smuts nie, maar van drie republikeinse anti-oorlogsgroepe en hy wil daardie drie koppe kry al moet hy sy volk die afgrond instuur en met ’n gehawende party uit die stryd terugkeer. Sy eis vir samewerking teen Smuts is eenvoudig dat die drie ander groepe selfmoord moet pleeg. En as hulle nie bereid is om selfmoord te pleeg nie, dan gaan hy moord pleeg op hulle, broedermoord. Dan gaan hy die verkiesing gebruik as ’n middel om hulle uit die openbare lewe van die Afrikaner uit te skakel, al kry Smuts die geleentheid daardeur om nog vyf jaar te regeer.

As politikus besef dr. Malan dat selfs ’n swewende dagdromer nie vir een oomblik sal glo dat ’n magtige organisasie soos die Ossewabrandwag wat vir twee jaar homself teen die verwoedste aanvalle gehandhaaf het en wat met nuwe ideale en ’n lewenskragtige beskouing te voorskyn gekom het, homself sal ontbind net om die eer te hê om te gaan stem vir daardie politikus wat hom probeer vernietig het nie.

Dr. Malan weet dus baie goed dat nóg die O.B. nóg enige ander politieke groep homself sal ontbind. Om dit te hoop, is so goed as om na die sterre te loop en kyk — soos hy in Pretoria gesê het dat hy nie doen nie toe hy oor die Engelse gepraat het. Daarom maak dr. Malan hom klaar om in hierdie verkiesing nie teen Smuts slag te lewer nie, maar teen sy eie broeder-organisasies — organisasies wat soos een man hul hulp vir hom aangebied het in die verkiesing. Daarom weier dr. Malan om die handschoen op te tel wat Smuts noerwerp. „Dis wat Smuts betref ’n kakie-eleksie. Vir hom is die verkiesing oor die oorlog. Die H.N.P. kyk verder.” So het hy in Pretoria verklaar. Hy wil dus nie oor die oorlog veg nie, want dan weet hy staan die Ossewabrandwag en die ander groepe skouer aan skouer met hom. Oor die kwessie van oorlog verskil geen Afrikaner van hom nie. Hy kan dus nie oor die oorlog teen hulle baklei nie. Nou soek hy ’n terrein waar hy wel verskilpunte teen sy mede-republikeine kan ontdek, en daardie terrein is die ekonomiese, al is dit maar vir eendag as die oorlog eers verby is.

Sy koerante trek dan ook dadelik te velde teen mnr. Havenga se manifestes, en wel omdat hy dan nie so ’n goeie ekonomiese program het soos die H.N.P. nie! Dr. Malan self trek da-

Min of Meer Belangrik

Rusland Vra Voedsel

By geleentheid van die Geallieerde voedselkonferensie verlede week het die Russiese afvaardiging gepleit dat die onmiddellike verskaffing van voedsel bespreek moet word voordat oor toekomsplanne gedink word. Rusland het onmiddellik voedsel nodig vir sy leërs en vir noodleniging, is verklaar.

Brit Meer Bekommerd Oor S.A. as Smuts

In die Britse Laerhuis het ’n kommunistiese lid aan die minister van dominiale sake gevra waarom die kommunistiese blad Inkululeko verbied is binne die Britse Protektorate Basoetoland, Betsjoeanaland en Swaziland, terwyl hierdie blad nêrens in die Unie aan beperkings onderhewig is nie.

Die onderminister van dominiale sake het geantwoord dat die blad deur die Hoë Kommissaris verbied is weens sekere artikels daarin en o.a. gesê: „Hoewel die sienswyse wat in die blad gelug is, in sommige opsigte gewysig is sedert Rusland tot die oorlog toegetree het, meen die Hoë Kommissaris dat sommige dele van die beleid wat

delik te velde teen die natuurelbeleid van republikeinse groepe wat vir algehele segregasie staan. Daarin sien hy nou rede om te verskil, maar die eenstemmigheid oor die oorlog, dit sien hy nie raak nie! In Pretoria laat hy hom as volg uit oor die natuurelvraagstuk: „’n Mens hoor nou van algehele territoriale segregasie. Hierdie plan ruik na die studeerkamer. Watter reg het ons om agt miljoen in ander se gebied te plaas? Ons ekonomiese lewe is vir die grootste deel op nie-blanke arbeid gegrondves. Dit sou alles ontwig op ekonomiese gebied.”

Net om te kan verskil, is dr. Malan bereid om tydelik afstand te doen van sy segregasiebeleid! Hy soek na verskilpunte in sy moordtog teen mede-republikeine. Die groot vraagstuk van oorlog, waaroor ons almal eens teen Smuts is, dit vermy hy!

Oor die vraagstuk van ’n republiek was daar tot onlangs ook eenstemmigheid sover dit die Ossewabrandwag betref. Volgens verslag in Die Burger van 24 Sept. 1941 is die volgende vraag aan dr. Malan op Elliot gestel: „U wil ’n republiek hê, maar dink u daaraan dat hier twee volke in die land is?”

Dr. Malan se antwoord daarop was: „Hier is maar een volk, die nasionaal-gesinde Afrikanerdom. Die ander is nie ’n volk nie, hulle is deel van ’n volk oor see.”

Hierin het die Ossewabrandwag dr. Malan gesteun, maar net om nou te kan verskil, sê dr. Malan in Pretoria: „As die republiek gestig word net vir een seksie en nie vir die ander nie, word die Engelssprekende op die verdediging gestel. Hy sal dan veg tot die end . . . Die H.N.P. sal die Engelssprekendes nie as vreemdeeling behandel nie.” (Die Burger 25 Mei.)

Dr. Malan begeer die Ossewabrandwag se kop op ’n skottel, en om daardie kop te kry, is hy bereid om die grootste vraagstuk waaroor daar eensgesindheid is, naamlik die oorlog, te vermy as strydpunt. Om die kop van die Ossewabrandwag te bekom, is hy bereid om sy eie republikeinse beleid te verdraai in ’n poging om skoor te soek.

Die gratis steun van die Ossewabrandwag vir die verkiesing, het dr. Malan van die hand gewys. Vir die steun van die Engelse is hy bereid om die oorlog voort te sit en sy republikeinse strewe te verwater.

As dit gaan oor die samewerking van die republikeinse groepe, kyk dr. Malan na die sterre. Dan verwag hy die onmoontlike. Maar as dit gaan oor die stemme van die Engelse is hy so prakties dat hy afstand doen van Suid-Afrika se reg op neutraliteit en van sy eie party se hoofideaal!

En dit alles net om teen sy mede-republikeine tot die dood toe te kan veg! Eers as hulle dood is, sal hy die hand van vriendskap uitsteek!

gepropageer word, waarskynlik verkeerdtolk kan word deur platte-landse natuurle en onrus gedurende die oorlog kan veroorsaak.”

Hy het verder verklaar dat die Hoë Kommissaris geweier het om ’n afvaardiging van die kommuniste te ontvang in verband met die saak.

Komintern Ontbind

In die afgelope week is uit Moskou aangekondig dat die Kommunistiese Internasionale, d.w.s. die wêreldbestuur van die kommunistiese partye, ontbind is en dat die kommunistiese partye in elke land nou selfstandig kan ontwikkel.

Die rede hiervoor word duidelik aangegee in die Guardian, orgaan van die Kommunistiese Party in Suid-Afrika. Die blad verklaar dat die nasionaalgesinde groepe steeds ’n sterk propaganda-wapen in die bestaan van die Komintern gehad het. Sy ontbinding sal egter geen uitwerking op die Kommunistiese partye hê nie. Deur hierdie stap sal die arbeiders van die hele wêreld nou nader aanmekeer getrek word met die oog op die groot wêreldrevolusie. Oor twee weke kom die voorstel tot samewerking tussen die arbeiders en die kommuniste in Engeland voor die arbeiderskonferensie. Die ontbinding van die Komintern maak die aanname van die voorstel feitlik seker, waardeur agt miljoen arbeiders ’n verenigde front in Engeland sal sluit.

Koffiefonteinse Reëlins

Die Vrystaatse Hoofkwartier doen ’n beroep op persone wat deur Bloemfontein per motor na Koffiefontein reis, om van hul voorneme by die Hoofkwartier kennis te gee sodat persone wat graag die interneringskamp wil besoek, van sulke geleenthede gebruik kan maak ten einde vervoerkoste te bespaar. Alle voornemende besoekers word nogmaals daarop gewys om nie regstreeks met die Koffiefonteinse O.B.-kommandant reëlins vir vervoer en verblyf te tref nie, maar vroegtydig aan die Hoofkwartier te skryf.

Oorlog en Oorstromings

Kort na die aankondiging uit Geallieerde kamp dat Brits-Amerikaanse bomwerpers die Mohn- en Eder-damme in Duitsland stukkend geskiet het sodat duisende Duitse gesinne dakloos geraak het weens oorstromings, is uit Amerika berig dat groot oorstromings in vyf Amerikaanse state geweldige skade aangerig het. Meer as honderdduisend mense is dakloos gestel, terwyl die skade aan fabriek en landbougrond miljoene ponde beloop.

Jode Moet Padgee

Alle Jode is gelas om die hoofstad van Bulgarye binne drie dae te verlaat, na verlede week aangekondig is. Diegene wat nie gehoor gee nie, word

DIE CHURCHILL-TOESPRAAK

Dit het veral gedurende die huidige oorlog van „bloed en staal” gewoonte geword om ook met papierbomme te veg. Regeringshoofde van oorlogvoerende lande steek af en toe lang toesprake af wat deur middel van pers en radio die grootste mate van publisiteit geniet. Nog dae later sonder onderbreking word deur kommentaar in die pers en oor die radio aan dergelike toesprake geherkou. Ondanks al die gefladder wat hierdie papierbomme veroorsaak, is geen sienersblik daarvoor nodig om reeds nou al te konstateer dat dergelike toesprake ’n baie beskeie plekkie sal inneem onder die bronne-materiaal wat die wetenskaplike geskiedskrywer van die toekoms vir ’n geskiedeniswerk oor die huidige oorlog, sal kan gebruik. Nie vir die geskiedskrywer nie, maar vir die skrywer van ’n verhandeling oor propaganda sal dergelike toesprake toekomstige waarde besit. Immers hieruit sal geleer kan word hoe hierdie of daardie regeringshoof daarin geslaag het om onder eie gelede die blink kant bo te hou, die wankelmoediges te versterk, die oor-optimiste tot nugterheid te maan, die barste tussen bondgenote toe te smeer, nie op die tone van gevoelige bondgenote of neutrale lande te trap nie en om die vyand so veel moontlik bang te praat sonder om geheime te verkap. Dit alles vereis ’n handigheid wat deur geen propaganda-diens versmaai sal word nie.


CHURCHILL HOOPVOL, MAAR . . .

Onder dergelike toesprake behoort ook die jongste een van Churchill voor die Amerikaanse Kongres. Hy is baie hoopvol oor die verdere verloop van die oorlog, maar hy wys ook op die gevaar. Aan „die swaar beproefde en lang gekastyde China” stel hy in die vooruitsig „doeltreffende en onmiddellike hulp as een van die dringende gemeenskaplike take van die Geallieerdes”. Maar die saak is egter nie so eenvoudig nie, want eers moet Duitsland verslaan word. „Die nederlaag van Duitsland sal met sekerheid die ruinasie van Japan beteken.” Ook oor die bestryding van vyandelike duikbote is hy hoopvol „hoewel die duikbootgevaar nog die grootste is waarmee ons te kampe het”. Dit is veral oor die eie lugoffensief dat Churchill baie hoopvol is. Die Geallieerdes sou nie alleen „oor baie meer vliegtuie” as die vyand beskik nie, maar dit is ook „ons vaste beleid om dit vir Duitsland onmoontlik te maak om in Duitsland, in Italië of in enige van die vyandelik-besette lande met enige grootskaalse of gekonsentreerde vorm van oorlogsnwyerheid voort te gaan.” Tog gee Churchill ook toe dat die gebruik van lugsterkte alleen die (Vervolg op bls. 5, kol. 2)

aan die gevaar blootgestel om uit die land verban te word.

Onthou sal word dat daar onlangs verskeie politieke moorde in Bulgarye plaasgevind het, en dat ’n groot aantal kommuniste in hegtenis geneem is.

Sluit nader aan



BOERENDE BOERE EN STEDELIKE VERBRUIKERS SLUIT NADER BY MEKAAR AAN —

stuur u produkte en vee aan u eie bemarkingsorganisasie. Ons lewer reeds maandelank uitstaande dienste in hierdie nuwe gees . . . As u ons dienste eenmaal getoets het, sal ons u steun blywend verwerf.

VOLKSKOPER MARK BPK.

Môremerk Newtown
Foon 34-1442 JOHANNESBURG Wolhuterst. 62

Verkiesing Wysig Drie Beleidspunte Ten Gunste van Engelse

Nou dat die verkiesing nader en dr. Malan weens sy weiering van die aangebode hand van anti-oorloggesinde Afrikaners toegewys is op die stemme van oorloggesinde Engelse, laat hy die een Afrikaanse standpunt na die ander vaar. Op groot beginselpunte klink sy stem steeds meer en meer soos dié van Smuts. Ons noem onderstaande drie voorbeelde:

1. Dr. Malan ontken in sy verklaring van 17 Mei dat hy tans neutraliteit ten opsigte van die oorlog voorstaan. Hy is ten gunste van voortsetting van die oorlog, maar net op 'n goedkoper manier. Hy erken openlik en met nadruk dat hy presies staan waar Smuts op 4 September gestaan het.

Stel hierteenoor die beleid van dr. Malan vóór die verkiesing. Op bladsy 22 van die Konstitusie van die H.N.P. in Kaapland (1941) word die party se standpunt ten opsigte van die oorlog as volg helder en klaar gestel:

„Dat ons deelname aan die oorlog op generlei wyse geregtig kan word nie, en nou nog minder as ooit, en dat Suid-Afrika se belang daarom eis dat ons ONMIDDELIK ONS DAARAAN SAL ONTTREK.”

Dit was dr. Malan se beleid TWEE JAAR ná die uitbreek van die oorlog, en dit is opgeneem in sy partykonstitusie.

2. In dieselfde Konstitusie stel die Party as beleid (bl. 20): „Verder dring hy aan op die konsekwente deurvoering van die segregasie-beleid . . .”

In sy verkiesingtoespraak in Pretoria verwerp dr. Malan nou die konsekwente deurvoering van die segregasiebeleid deur te verklaar:

„Watter reg het ons om agt miljoen in ander se gebied te plaas? Ons ekonomiese lewe is vir die grootste deel op nie-blanke arbeid gegrond. Dit sou alles ontwig op ekonomiese gebied.”

3. Genl. Smuts staan vir 'n SUID-Afrikaanse nasieskap in teenstelling met 'n Afrikaanse nasieskap wat die standpunt van die nasionale Afrikanerdom is. Dit beteken 'n TWEE-TALIGE nasie bestaande uit Engelse en Afrikaners.

Op 24 September 1941 nog het dr. Malan hierdie Sap-standpunt onomwonde verwerp deur op Elliot te verklaar:

„Hier is maar een volk, die nasionaalgesinde Afrikanerdom. Die ander (d.w.s. die Engelse) is nie 'n volk nie, hulle is deel van 'n volk oor see.”

Nou in sy verkiesingtoespraak op Vryburg (Die Burger 29 Mei) sê dr. Malan:

„Die H.N.P. staan SUID-Afrikaanse nasieskap voor en SUID-Afrikaanse nasieskap alleen . . . as die Engelsman sy taal wil behou, moet ons dit nie van hom wegneem nie.”

Volgens hierdie uitspraak moet die Suid-Afrikaanse nasie nog gebore

word, want dr. Malan erken self dat die Engelse ook nog eers moet bykom: „Die Engelse in die land behoort nie Engelse te wees nie, maar SUID-Afrikaneers soos ons. HULLE HOEF HUL TAAL NIE TE VERANDER NIE. SPR. SAL GEEN STROOI IN DIE PAD LÊ WAAR HULLE HUL TAAL WIL BEHOU NIE.”

Hoe vergelyk dit met genl. Smuts se standpunt soos gerapporteer in Die Burger van 20 Mei:

„Soms wonder ek of ons werklik 'n nasie is en of Suid-Afrika nie nog in die geboortepyn van die voortbrenging van 'n nasie verkeer nie. Ek sal graag die vroedvrou wil wees. Ek sal graag 'n SUID-Afrikaanse nasie wil sien groei . . .”

'n Verkiesing is darem 'n snaakse ding, en 'n politikus nog snaakser!

DIE CHURCHILL-TOESPRAAK

(Vervolg van bls. 4)

ineenstorting van Duitsland en Italië teweeg kan bring.” Oor die Noord-Afrikaanse oorwinning is hy natuurlik welsprekend, tog verwys hy terloops daarna dat Rusland 218 Spil-diviesies besig hou teenoor slegs 15 diviesies wat in Tunisië vernietig is. Dit sou 'n „aanduiding wees van die Russiese poging en die dank wat die Geallieerdes aan hulle verskuldig is.” Hy voorspel 'n derde Duitse poging „om die hart en die gees” van Rusland te breek, maar oor die uitslag is hy baie hoopvol en die Amerikaans-Britse bondgenote „moet alles denkbaar en uitvoerbaar in hul vermoë doen om in 1943 meer van die gewig van Rusland af te wend.”

CHURCHILL OOK MINDER OPGEWEK, MAAR . . .

Churchill het sy toespraak nie juis opgewek beëindig nie. Hy „wil nie verantwoordelik gehou word vir enige bewering dat die oorlog gewen is of dat dit binnekort beëindig sal wees nie.” Dit, na byna vier jaar van oorlog en na al die menigvuldige voorspellings dat die stryd binne hierdie of daardie tyd, in hierdie of daardie jaar beëindig sal wees!

Churchill gaan egter verder: „Ons het baie ernstige gevare te bowe gekom en daar is een ernstige gevaar wat ons tot die einde toe sal vergesel. Daardie gevaar is die onnodige uitreiking van die oorlog. Niemand kan voorspel watter nuwe ontwikkelings en gevare miskien voor die einde van nog vyf jaar van oorlog kan ontstaan nie, en lit is in die uitreiking van die oorlog teen reusagtige uitgawes totdat die demokrasie afgemat, verveel of verdeeld is dat die vernaamste hoop van Duitsland en Japan tans moet setel.”

Op twee Churchillse gedagtes verdien hier geleë te word. Die eerste is dat tyd, vroeër altyd 'n bondgenoot van die Geallieerdes, nou oorgeloop het na die vyand en dat 'n ineenstorting van die Spil-magte nie voor die deur staan nie. Die tweede gedagte is dat daar onder die Geallieerdes ook verdeeldheid kan kom. Op watter verdeeldheid sinspel die Britse Premier hier? Is verdeeldheid miskien een van die oorsake waarom afgesante van die Bolsjewistiese en Chinese bondgenote nooit aan die gewichtige besprekings tussen Roosevelt en Churchill deelneem nie?

Aan die sombere slotgedagtes van die Britse Premier behoort egter nie te veel waarde geheg te word nie. Dit is waarskynlik dat Churchill, in 'n vlaag van welsprekendheid, hom weereens skuldig aan oordrywing gemaak het soos vroeër, volgens die bewering van die Britse professor Harold Laski in sy werk „Parliamentary Government in England” wat in 1938 verskyn het. Die eindoorwinning is tog seker, so verseker Churchill ons.

Dr. Malan se Redes vir Weiering Tot Samewerking Ontleed

As verdediging vir dr. Malan se weiering van die aangebode hulp van die drie anti-oorlogsgroepe in die verkiesing noem Die Volksblad van 22 Mei drie redes.

Hy verklaar dat weens die aard van hul organisasies die Ossewabrandwag en die Nuwe Orde nie in aanmerking kan kom vir 'n verkiesingsooreenkoms nie. Dit was ook nooit die O.B. se doel nie. Hy het sy hulp vir 'n verkiesingsfront aangebied sonder dat hy begeer het om teenwoordig te wees in enige onderhandelinge. Al wat hy verlang het was dat die politieke party mekaar moet vind voor die verkiesing. Hy wou nie die een teen die ander steun nie.

Nadat die Nuwe Orde hulself van die verkiesingstoneel verwyder het, het daar net die Afrikanerparty oorgebly met wie dr. Malan moes onderhandel. Hoe maklik!

Mnr. Havenga het dit vir dr. Malan nog makliker gemaak deur geen addisionele setels vir sy party te vra nie. Hy was tevrede om net die agt te verdedig wat sy party tans verteenwoordig. Hy het dr. Malan ook aanvaar as parlementêre leier van die opposisie. Dr. Malan het egter geweier om hierdie maklike voorwaardes aan te neem, en daarmee is 'n skitterende geleentheid om eenheid te bewerkstellig verlore.

Die Volksblad se drie redes vir die weiering is:

1. Die Afrikanerparty het in geen kiesafdeling 'n meerderheid nie, en daarom kon nie met hom soos indertyd met die Arbeidersparty 'n ooreenkoms aangegaan word nie. Die meerderheid sou dan moes stem vir 'n opgedronge kandidaat. Ter stawing van sy bewering verwys die blad na die tussenverkiesings van Winburg, Smithfield en Fauresmith.

ONS ANTWOORD HIEROP IS: (a) Niemand het in 1924 presies kon vasstel hoe sterk die Arbeidersparty in elke kiesafdeling was nie. Dit was blote gissings net soos tans. (b) Die tussenverkiesings van 1941 is gehou voor die skeuring tussen die O.B. en die H.N.P. Veral in Winburg was dit die Ossewabrandwag se organisasie wat die oorwinning aan die party besorg het. Vandag is die posisie heeltemal veranderd. (c) As dit so verskriklik is om aan die kiesers 'n kandidaat op te dring wat teen die meerderheid se keuse is, waarom was dr. Malan verlede jaar bereid om mnr. D. J. Scholtz se nominasie in Namakwaland ongeldig te verklaar bloot omrede hy lid van die Ossewabrandwag was? Het die meerderheid hom dan nie gekies nie?

2. Die tweede rede is die vyandigheid van die Afrikanerparty teenoor die H.N.P. „Die A.P. se materiaal vir toesprake en artikels sou byna heeltemal verdwyn as hulle op 'n dag sou besluit om die H.N.P. nie meer aan te val nie,” verklaar die blad!

ONS ANTWOORD HIEROP IS: (a) As dr. Malan 'n ooreenkoms met die A.P. sluit, verdwyn sy vyandigheid mos daar en dan! Dit is mos dan juis die maklikste manier om die vyandigheid te staak? Is die blad dan begaan oor die feit dat die A.P. se „materiaal” sal verdwyn?

3. Die derde rede vir die weiering is dat die Arbeidersparty van destyds 'n bestaansreg gehad het deurdat hy daarin geslaag het om groot steun in die industriële sentra te verkry met 'n program wat verskil het van dié van die Nasionale Party. Die Afrikanerparty daarenteen het „geen enkele fundamentele geskilpunt” met die H.N.P. nie. Daarom weier dr. Malan sy samewerking! Die Volksblad se verskoning is dat dr. Malan aan volkseenheid 'n ondiens sou bewys het „as hy 'n reëling gaan tref wat op kunsmatige wyse 'n kunsmatige verdelingslyn aan die lewe hou.”

ONS ANTWOORD HIEROP IS dat dr. Malan dan blykbaar verkies om op natuurlike wyse 'n kunsmatige verdelingslyn aan die lewe te hou! As daar dan wel so min verskil tussen die twee partye bestaan, waarom dan bang

om die A.P. agt setels te gee? Dan is dit mos ook nasionale setels! Dr. Malan kan dit sekerlik met 'n skoner gewete doen as wat hy indertyd aan min. Madeley 'n setel gegee het!

Nadat die blad hierdie fraaie verskoning gemaak het, naamlik dat daar geen verskil tussen die H.N.P. en die A.P. is nie, sê hy daar is nog meer dinge wat nie uit die oog verloor moet word nie, en dit is dat A.P.-mense sou gesê het „dat die oorlog die enigste verskil is tussen hom en genl. Smuts”!

Ons dag dan dr. Malan het geweier omdat hy nie „geen enkele fundamentele geskilpunt” is nie!

So lyk politiekery!

Laat hulle maar liever erken dat dr. Malan die aangebode hulp geweier het omdat hy nie MET die ander republikeinse groepe wou optrek in die stryd nie, maar TEEN hulle. Sy hoofoogmerk is om hulle uit te delg, en as hulle aan sy kant teen die Empire veg, mag hy nie op hulle skiet nie.

DR. MALAN IN ONGUNS BY EIE VOLGELINGE

Verneem word dat daar groot ontevredenheid by 'n aansienlike deel van dr. Malan se aanhangers teen sy huidige leiding heers. Veral in die noorde waar die mense begerig was om verenigd teen Smuts en die oorlog op te tree, word sy leierskaphoedanigheid sterk in twyfel getrek. Gevoel word dat as genl. Smuts agtien setels kon afstaan vir die samewerking van twee klein partytjies, dr. Malan baie makliker bereid kon gewees het om agt setels aan mnr. Havenga af te staan waardeur die steun van alle republikeinse groepe dan verseker kon gewees het.

So 'n sterk gevoel bestaan daarteen sy leierskap dat dr. Malan verlede week in Johannesburg dit nodig geag het om meer as die helfte van sy toespraak voor 'n uitgesoekte kring van ondersteuners te wy aan 'n pleidooi ter verdediging van sy leierskap.

Hierdie wantroue in dr. Malan se leiding begin ook reeds hoorbaar word in Kaapland. Van dr. Malan se getrouste volgelinge spreek nou al openlik hul twyfel uit of hy die regte leier vir hierdie kritieke tyd is. Die grootste beswaar is dat dr. Malan nie sy aandag van ondergeskikte griewe kan afwend na die groter sake waarvoor almal dit eens is nie.

VOLKSKAS

GEE: 3½% Rente op Vaste Deposito's vir twee jaar.

3% Rente op Vaste Deposito's vir 12 maande.

2½% Rente op Beleggings-sertifikate — opvoerderbaar met 3 maande kennisgewing.

2% Rente op Spaarrekeninge.

Volkskas (Koöp.) Bpk.

(Opgerig kragtens die Koöperatiewe Wet)

Hoofkantoor:

Volkskas-gebou, Sentraalstraat, PRETORIA.



Die Volk se Bank.

AANDAG!!!

DIE KOMDT-GENERAAL
DR. J. F. J. VAN RENSBURG

en

Die Adjunk- Komdt-genl.

J. A. Smith

Spreek 'n sametrekking toe
VAN ALLE OFFISIËRE VAN
OMGEWING,

op

VRYDAG, 19 JUNIE

IN DIE DRILSAAL

OUTDSHOORN

vanaf 2-uur in middag en
in aand

Verklarings i.s. Reorganisasie
en komende Verkiesing

Brandwagte Welkom

Middag en Aand

Laertrek van Transvaalse Vroue

Pragtige Dissipline Heers in Kamp

Vir die tweede agtereenvolgende jaar het 120 O.B.-vroue uit alle dele van Transvaal van 7 tot 14 Mei op die plaas Vlakfontein, naby Roodepoort, 'n laertrek bygewoon onder bevel van genle. mev. K. Malan.

Die besoeker aan die kamp is dadelik getref deur die pragtige dissipline en ordelikheid wat daar geheers het. Immers, jy kom onder die besef daarvan nog voordat jy die kamp binnegaan, want, nisteenstaande die koel aandlug, word jy deur twee vroue-wagte wat trots op aandag in die pad staan, by die kamphek voorgekeer. Eers nadat die besoeker sy naam en doel van besoek in 'n boek aangeteken het en magtiging uit die kamp verkry is, word hy toegelaat om die hek binne te gaan. Ewe flink het 'n ander vrou 'n plek vir die motor aangewys. Dan begelei sy jou na die tent van samekoms. Net soos in die geval van die wagte help dit jou nie eers om 'n vriendelike woordjie met jou begeleidster te probeer wissel nie, want haar bevel is om nie met besoekers te praat terwyl sy op diens is nie en sy hou haar stiptelik daarby.

Aan die ingang tot die kamp pryk twee pragtige groot Ossewabrandwagvlae. Naaste aan die ingang staan 'n groot tent wat as vergaderplek dien en langsnaam strek die 51 woontente in netjiese rye uit, elkeen genommer en met die ingang na die „straat.“ Daar is 'n Hans van Rensburgstraat, 'n Kittie Malanstraat en 'n Jacobus Jerlingstraat. Die kamp is verlig deur lanterns aan pale wat die vrouens self aangebring het.

Heerlike vars watter word in die kampterrein verkry uit 'n put wat die vroue self met die vorige laertrek gegrawe het. Die water is so sterk dat dit tot slegs 'n voet van die grondoppervlakte opstoot. Langsaan die put, wat met sinkplate bedek is, staan 'n tenk wat vol geskop word en waaruit die water dan vir verbruik getap word.

Die benodighede is daaglik van boere in die omtrek en 'n naburige handelaar gekoop en in die kamp aan die vroue verkoop.

„Geen afval mag om die tente gegooi word nie. Dit moet alleen in die gat wat daarvoor gemaak is, gegooi word.“ So lui een van die kampreëls en om toe te sien dat dit nagekom en die kamp in netheid gehou word is „kamppolisie“ aangesel. Spesiale „verkeerspolisie“ moes sorg dat motors en ander verkeer nie in die kampterrein kom nie, maar slegs op die plek wat daarvoor aangewys is.

Die vroue het self om die beurt wag gestaan van 8-uur in die oggend tot 12-uur in die nag, sommige nagte tot 2-uur in die oggend. Nisteenstaande die koue nat weer het hulle getrou op hul poste gebly.

Die kampterrein beslaan twee morge grond wat aan die Ossewabrandwag geskenk is deur mnr. en mev. E. Nolte, van Vlakfontein, Roodepoort. Mev. Nolte is 'n hoofkommandante in die Beweging en terwyl sy op 'n dag ongesteld was het die vroue in die kamp na die plaas marsjeer en die Ossewabrandwaglied voor haar venster gesing. Sy was aangenaam verras deur hierdie blyk van kameraadskap.

Elke vrou het die taak wat haar aangewys is, getrou nagekom, ongeag die rang wat sy in die organisasie beklee. Hoofkomde Röscher het as kampkommandante die getroue bystand van almal gehad. Hoofkomde. I. Hansen, van Standerton was verantwoordelik vir die sang; hoofkomde. F. C. Mans, van Zwartburg, vir die finansies; hoofkomde. J. J. Wentzel, van Bloemhof, vir die wagte; en hoofkomde, dr. P. Wassenaar, van Germiston, vir die kamp-higieë. Hoofkomde. E. Nolte het almal bygestaan.

PROGRAM

Die daaglikse program was as volg: 6.30 vm. opstaanklok; 7.15

liggaamsoefeninge; 7.30, oggenddiens; 8.30 — 10, ontbyt en regmaak van tente; 10 vm., byeenkoms in tent-saal; 11 — 3 nm., middagete en gesellige verkeer; 3-uur, byeenkoms in tent-saal; 4 — 6.30, gesellige verkeer en aandete; 6.30, aandiens; 7.30, byeenkoms in tent-saal; en 10 nm., ligte uit.

Die oggenddiens op Sondag, 9 Mei, is waargeneem deur ds. S. J. Stander, voorsitter van die Grootraad, en die middagdiens deur eerv. M. S. F. Grobler, van Pretoria.

Deskundiges het lesings oor gesondheids- en ander volksorgsake gehou. Dr. V. Bührmann oor „senuwesiektes“; dr. J. Anderson oor „postuur en die verhouding tot gesondheid“; dr. P. Wassenaar oor „tuisverpleging van aansteeklike siektes“; dr. G. B. Büchner oor „'n gesonde voorgeboorte-lewe“, as ook lesings deur dr. C. F. Krige en dr. Gerrie van der Merwe.

Gebiedshoofgenl. Louis Botha het die laer toegesprek oor die aandeel van die vrou teenoor die minderbevoorregte kind. Hoofkomde. A. Röscher het 'n lesing oor „dissipline“ gehou. Op 13 Mei is die laer toegesprek deur genl. J. D. Jerling en in die aand deur die Kommandant-generaal, dr. J. F. van Rensburg.

In haar afskeidsrede het genle. Malan die vroue bedank vir hul dissipline en die aangename gees wat in die kamp geheers het.

Byna elkeen het gewag gemaak van die besielende en leersame tyd wat hulle in die kamp deurgemaak het, en die vriendskapsbande wat daar gelê is. Menige afskeidsnik was dan ook hoorbaar.

Kommandante Ferguson - Louw, van Bellville, Kaap, het die kamp as afgevaardigde van die Kaapse vroue-kommando's bygewoon.—(Kor.)

VERJAARSDACKETTING

3 Junie: Susarah Pace (George), Dawid Muller (Sutherland); 4 Junie: Lena Scholtz (Pearston), Jesajas de Kock (Komgha), Gertruida Dumas (Plumstead), Johannes Fourie (Upington); 5 Junie: Annie Berecke (Port Elizabeth), Peroldeen Deupers (Parow), Jurius du Toit (Maribogo), Lettie Nienaber (Grootfontein, S.W.A.); 6 Junie: Marlene Gerbers (Beaufort-Wes), Daniel Marais (Port Elizabeth), Thomas Dawson (Port Elizabeth), Cecilia de Villiers (Duiwekop, Kaapstad); 7 Junie: Petronella Cilliers (Angrabies), Anna de Villiers (Matjiesfontein); 8 Junie: Martha Bester (Kalabaskraal), Johannes van Rensburg (Port Elizabeth), Jasper Kershoff (Houtbaai); 9 Junie: Carel Vernooi (Beaufort-Wes), Maria Fourie (Dist. Mosselbaai).

GEORGE SE OFFERGELD

Die kommando's van George sorg nog steeds vir die afhanklike van vyf geïnterneerdes in hul midde. Die opbrengste van offergelde gaan vir hierdie doel.

INTEKENGELD VERHOOG OP DIE O.B.

Intekenare op Die O.B. word hiermee in kennis gestel dat weens onvermydelike omstandighede intekening op Die O.B. vanaf 1 Julie 1943, as volg verhoog sal word:—

(1) Kommando-intekenare:— (D.i. intekenare wat deur die Kommando waaronder hulle ressorteer, inteken: 6/- per jaar, 3/- per halfjaar.

(2) Intekenare wat verkies om nie deur 'n Kommando in te teken nie, maar regstreeks deur Voorslag Edms. Bpk., 10/- per jaar.

SPINKURSUS 'N GROOT WELSLAE

Dissipline Dra Baie By

Daar breiwool onverkrygbaar is het die Vroue-afdeling in die gebied Oranje Vrystaat 'n groot organisasie op tou gesit om die vroue te leer om hul eie wol te spin. Met die grootste geesdrif is aan die oproep voldoen en byna elke vroue-kommando van die Vrystaat het 'n verteenwoordiger gestuur, sodat 121 vroue in Bloemfontein van 12 tot 19 Mei saamgetrek was om 'n spinkursus by te woon.

Geen hindernis was groot genoeg om die vroue weg te hou nie, moeite en koste was nie ontsien nie. Dit bewys duidelik dat die onderneming in 'n groot behoefte voorsien en dat die vrou vasberade is om in haar eie behoefte te voorsien.

Behalwe die spinkursus het die vroue hul saans besig gehou met O.B.-aangeleenthede, lesings en demonstrasies van opvoedkundige waarde.

Die Kommandant-generaal het spesiaal oorgekom om die kursusgangers toe te spreek en het onder andere uitgewei oor die rol van die vrou in die Ossewabrandwag. By hierdie geleentheid is ook 'n krans gelê by die vrouemonument namens die Ossewabrandwag-vroue van die Vrystaat.

Dit was 'n suiwer Ossewabrandwag-onderneming, maar die Huisvlytraad van die Vrystaat het die instruksie verskaf. Hierdie Raad het vir 'n geruime tyd reeds 'n Spin- en weefskool in Bloemfontein waar persone enige tyd 'n kursus kan neem. Deur bemiddeling van die Raad kon spinwiele en kamme teen 'n baie billike prys bekom word. Die Spin- en weefskool is ook tot die beskikking van die kursugangers gestel waar hulle kon gaan leer het om die wol te was en te kleur.

'n Veertiendaagse kursus is in 8 dae voltooi, en volgens verklaring van die hoofinstruksie, is dit moontlik gemaak deur die strengte dissipline van die Beweging.

'n Baie aangename gees het onder die kursugangers geheers en al singende het hulle die spinwiele aan die draai gehou.

Die vroue sou teruggaan na hul kommando's om verdere belangstelling vir die spinkursus op te wek.—(Kor.)

MARKAGENTS-KAP

Vroeë Môre-Mark KAAPSTAD

BETALING GESKIED ONMIDDELIK, WEEKLIKS, MAANDELIKS OF SOOS VERLANG.

BESTE HEERSENDE PRYSE.
MINNAAR & VAN SCHOOR

Eiennar: GUSTAV RETIEF.
Telefoon 2-0212.

Maak Kennis met die Nuwe Volkspele

Opgestel deur Hester Morrison
(MEV. W. VAN HUYSTEEN)

Met Musiek en Liedjies
(grondgedigte) deur
M. L. de Villiers


Komponis van
„Die Stem van Suid-Afrika.“

Hierdie Nuwe Volkspele is met groot sukses uitgevoer by geleentheid van die onlangse Volkspelekursus te Stellenbosch en die Oos-Kaaplandse kursus te Alwal Noord.

Prys 4/3 posvry
Bestel by die uitgewers,
PRO ECCLESIA-DRUKKERY
Posbus 28, Stellenbosch
of by u Boekhandelaar.

Ondersteun Ons Adverteerders!

STERK SKAKELS...



maak 'n sterk ketting!

Net so bou versorgde, selfstandige huisgesinne 'n selfstandige, selfversorgende volk en land.



Die werklik versorgde huisgesin is die een met 'n Saniam-Polis

SUID-AFRIKAANSE NASIONALE LEWENS ASSURANSIE MPY., BPK.
—TAKKE DWAARDEUR DIE UNIE—
HOOFKANTOOR. WAALSTRAAT 28. KAAPSTAD

Vrou Hoop net op Ossewabrandwag

Genle. Meyer oor Redding van ons Volk

„Daar is nie een organisasie wat so goed besef wat 'n belangrike rol die vrou speel as die Ossewabrandwag nie,” het genle. mev. C. Meyer, hoofvroue-offisier van die Vrystaatse gebied gesê by geleentheid van die spin-kursus in Bloemfontein.

Die huisgesin vorm die vernaamste onderdeel van die volk, het sy gesê. Vir die volksherskeping moet allerleis die huisgesin herskep word. Die vrou speel die hoofrol in die huisgesin. In stilte beïnvloed sy haar man en kinders, beïnvloed sy die lewe van die volk. Sy is die draer van nuwe lewe, want dis aan haar gegee om die volk voort te plant en op te bou. „Die hand aan die wieg regeer die land!”

Die moeder is die persoon wat die kosbaarste materiaal kry om mee te bou. Dit is sy wat die fondament lê, en as die fondament verkeerd gelê is, is dit 'n terugslag vir daardie kind. Die kind se gesondheid, karakter en

sielsvorming is in die hande van die moeder.

Die taak van die vrou is om haar huis te omskep in 'n ware tuiste, waar haar huisgenote kan rus en leef, hulself kan wees en met mekaar kan verkeer in 'n vreedsame gees. Die vrou moet waak dat vreemde invloede nie in ons volkslewe indring en ons vervreem van ons heiligste eiendom nie. Dis die vrou wat die sedelike stand van die volk hoog moet hou.

Aan haar is dit ook toevertrou om die volkseie aan die volgende geslag oor te dra en liefde en eerbied daarvoor te kweek.

Die vrou moet in staat gestel word om haar pligte na te kom. Sy moet opgevoed word om dit te kan doen. Uit onkunde of gebrek aan voorligting word dikwels verkeerd gehandel. Die regte leiding moet daarom aan die vrou en dogter gegee word.

Daar is nie een organisasie wat so goed besef wat 'n belangrike rol die vrou speel as die Ossewabrandwag nie. Daarom gee die Ossewabrandwag soveel aandag aan vroueorganisasie en is die werk aan die vroue opgedra van so 'n aard dat dit die vrou sal bekwaam om haar plek met eer in te neem in die lewe van die volk.

Die Ossewabrandwag besef die dringende noodsaaklikheid dat die vrou in staat moet wees om op alle gebiede haarself te handhaaf en dat as die vrou gered is, is die volk gered.

Dit is dan ook die strewe van die Ossewabrandwag om as dit die dag die gesag in hande het, die vrou alle moontlike hulp, voorligting en bystand te verleen wat haar in staat sal stel om haar met welslae van haar taak te kwy, en daardeur haar beste vir haar volk te lewer.

As gevolg van die Engelse demokratiese partypolitieke stelsel het ons volk gely en in treurige omstandighede verval. In die agterbuurtes van groot stede word menige Afrikanerkind in 'n krot en onder die haglikste omstandighede gebore. As hy die eerste lewenslig sien, staar armoede hom in die gesig. Hy bevind hom in 'n vuil omgewing waar miskien blank en gekleurde deurmekaar woon.

Daar, onder daardie omstandighede moet menige moeder haar kind opvoed. Dit was nie haar keuse om daar te wees nie, armoede het haar daar beland. Haar huisgesin was miskien die prooi van 'n uitbuiters.

Onskuldige plattelandse dogters gaan na stede om 'n heenkome te vind. Daar word baie van hulle die prooi van gewetenlose skurke. U sal u hande saamslaan as u moes weet wat alles daar plaasvind. Daar is duisende wat hul brood moet verdien. Hulle is die toekomstige moeders van ons volk, moeders wat 'n sterk en gesonde volk moet bou.

Daardie dogters behoort die beskerming van die Staat te geniet.

Die vrou voel oortuig dat sy van hierdie huidige stelsel niks te verwag het vir haarself, haar kind en haar volk nie. Daarom vestig sy haar hoop op die Ossewabrandwag wat nie nodig het om terwille van stemme afstand te doen van groot ondernemings nie, maar in staat sal wees om die beste aan die volk te gee. Die strewe van die Ossewabrandwag is dat elke huisgesin 'n selfstandige bestaan sal bekom. Die selfstandige gesin is die kern van 'n selfstandige volk. Sonder 'n gesonde gesinslewe kan daar nie 'n gesonde Ossewabrandwag of 'n gesonde volk wees nie.

Ons glo vas dat as die uur van verlossing slaan dit die Ossewabrandwag sal wees wat ons volk sal ophef uit hierdie puinhoop, en dat die vrou in staat gestel sal word om in alle opsigte haar deel te doen in die opbou van 'n sterk en gesonde volk.

Dit is onmoontlik om toestande herskep te kry onder die huidige stelsel. Dit sal slegs dan kan gebeur wanneer

ons volk sy algehele vryheid bekom het, die Afrikaner baas is in sy eie land en die beste aan die volk gegun sal word. Wanneer enkelinge en uitlanders nie meer sal teer op die rykdom van ons land nie.

EENHEID

Voortgaande het genle. Meyer op die vryheidstryd van die Ossewabrandwag gewys. Om daardie rede staan die vrou ook by hom. Ook eenheid is sy strewe.

Ons volk het al meer as sy regmatige deel aan verdeeldheid gehad. Die hooforsaak is dat partypolitiek 'n te groot plek in ons volkslewe ingeneem het. Die mede-Afrikaner word geoordeel volgens die politieke party waaraan hy behoort. As hy nie aan die selfde party as ek behoort nie, kan hy nie 'n goeie Afrikaner wees nie. Partyverafgoding het so voortgegaan dat elkeen sy party as die volk aansien.

Nadat die volk vir jare net politieke twis geken het, het daar met die koms van die Ossewabrandwag 'n gevoel van eenheid ontstaan. 'n Gevoel van eenheid van bloed, tradisie, bestemming, hoop en verwagting. Maar geen ware eenheid is moontlik solank die partystelsel bestaan nie, en alte gou is die eenheid weer verbreek.

Dit is 'n kritieke tyd waarin ons lewe. Die wêreld is aan die brand, volkere is in die weegskaal, en ook oor die lot van die Afrikanervolk sal beslis moet word. Wat is ons houding in hierdie stryd? Van die Ossewabrandwag is reeds groot offers gevra. Honderde sit in tronke en kampe. Wat is ons houding teenoor daardie vroue en kinders wat agtergebly het, wat reeds getref is in die stryd?

Die Noodhulpfonds strek die Ossewabrandwag tot eer. Daardeur is reeds honderde families gehelp. Hulle moet bygestaan word, ons het 'n eed geneem dat ons ons mede-Afrikaner in die stryd nie sal verlaat nie. Hier is 'n geleentheid om dit prakties toe te pas. Dit val miskien soms swaar om gereeld die bydraes in te samel, maar laat ons onself afvra wat is dit in vergelyking met die lot van daardie mense wat hul persoonlike vryheid moes prysgee en van hul familieleden geskei moet wees? Daardie lot het baie van ons nog nie getref nie, en deur die Fonds te sterk dra ons ons deeltjie by. Ek wil u vra om die Noodhulpfonds op u hart te dra en dat u u uiterste sal doen om as u terugkom by u kommando's belangstelling op te wek.

Aan daardie vroue wat reeds hul offers moes bring wil ons sê: hou moed, wees sterk, geen offer is ooit tevergeefs nie. Hoe groter die offer hoe soeter die oorwinning.

Dit is abnormale tye waarin ons lewe. Vir die Afrikanervolk is dit 'n geval van nimmer of nou! Ons sal moet bereid wees om ons alles veil te lê anders is alles verlore. Die tyd is te ernstig om te dink aan persoonlike veiligheid of besittings. Moet tog nie u mans terughou om hul plig te doen in hierdie tyd van 'n volk se nood nie. Intendeel, moedig hulle aan al dreig persoonlike vervolging. Daar is groter dinge as dit op die spel. Laat die volksbelang en die toekoms van u kind meer tel as persoonlike belang.

Mag die staal in die karakter van die Voortrekkeurvrou ook in ons geopenbaar word. Die Afrikanervrou is onoorwinlik op die pad van Suid-Afrika. Aangevuur deur vroueliefde is niks vir haar te veel nie.

Ek wil u vra dat u sal bid vir ons volk en vir ons Leiers. Laat die gebede van die vroue die krag van ons volkie wees.

AAN DIE JEUGFRONTTERS

Ons makkertjies het totsover baie fluks gewerk in belang van die geïnterneerdes. Dit is baie mooi en goed. Ons wil die soldate van die Republiek wat in die kampe sit help deur vir die Noodhulpfonds te gee. Maar ook moet ons sorg vir die leër wat buite die kampe voortveg—die Ossewabrandwag. Daarvoor maak ons almal geld bymekaar vir 8 Augustus en noem ons dit Ossewabrandwag-dag.

Die geld gaan vir die instandhouding van ons Ossewabrandwag-organisatie, wat, soos deur ons Kommandant-Generaal uitgedruk, nie alleen die soldate van ons Republiek is nie, maar ook al is wat in Suid-Afrika tussen ons en die hamer en sekkel van Rusland staan. Julle kan dus besef hoe belangrik Ossewabrandwag-dag is en waarom die steun van elke man, vrou en veral van elke kind, offisier of brandwag, uiters nodig is. Begin met geld insamel en wys dat julle vir Ossewabrandwag-dag net so pragtig kan werk soos julle reeds vir die Noodhulp gedoen het. Twee makkertjies van George, Isabella en Naomi Westeraad, het 'n mooi gedagte verlede 8 Augustus gehad—van hul poppe aantrek en verkoop.

Ek is seker hulle twee en al my ander makkers sal vir Ossewabrandwag-dag hierdie jaar weer aan somar baie sulke gedagtes kom.—Hoofkommandante.

Vir 'n Suksesvolle Loopbaan

Studie met behulp van die beproefde lesings van die Helpmekaar Korrespondensie Kollege is die beste en goedkoopste manier om u sukses in die lewe te verseker.

MEER AS 200 KURSUSSE

Die Helpmekaar is die enigste suiwer opvoedkundige Afrikaanse Korrespondensie Kollege in Suid-Afrika.

Reeds meer as 16,000 Studente het met behulp van ons lesings sukses behaal. Ook U kan dit doen.

Pos die Koepon nog vandag vir gratis besonderhede

Die Besturende Direkteur, Helpmekaar Korrespondensie Kollege, Posbus 3512, Voortrekkeergebou, JOHANNESBURG.

Stuur my asseblief besonderhede omtrent u Korrespondensie Kursusse.

Ek stel belang in.....

Naam.....

Adres.....

(O.B. 2 Junie 1943).....

Besturende Direkteur: Dr. H. G. Luttig, M.A. (S.-A.), D.Litt. et Phil. (Leiden). Mede-Direkteur: J. H. Groff (Voors.), S. N. van Vuuren, P. Joubert, P. J. v. Z. Hattingh, A. C. v. W. Stroh.

Helpmekaar

KORRESPONDENSIE KOLLEGE
Voortrekkeergebou 310, Hoekstraat 16,
JOHANNESBURG
Posbus 3512 Foon 22-3512

Schoemanello Drank

VIR KWALITEIT EN TEVERDENHEID DIE GOEDKOOPSTE

	PER BOTTEL—As u van 1 tot 5 bottels neem in gereelde klase van 12 bottels.	PER BOTTEL—As u van 6 tot 12 van een soort te neem in klase van 12 bottels.	PER GELING—In u-geel, vaartjie of roep.
WYNE:			

Fonkelwyn	5/-	5/-	—
Lewenswyn	3/6	3/6	—
Vermouth	2/6	2/6	—
Hanekraai- Cocktail	3/6	3/-	—
Likeurwyn	2/-	1/8	3/6
On Port	2/-	1/8	3/6
Jeripigo Rooi	1/3	1/2	6/-
Jeripigo, Wit	1/3	1/2	6/-
Soet Muskadel	1/2	1/1	5/6
Port	1/2	1/1	5/6
Worcester Hock	1/1	1/-	5/-
Pontak	1/1	1/-	5/-
Spesiale Sjerrie	1/-	11d.	4/9
Sjerrie	11d.	10d.	4/3

BRANDEWYNE:			
Schoemanello	7/6	6/6	36/-
Ekstra Spesiaal	7/-	6/3	34/-
Brandewyn, F.C.	6/6	6/-	33/-

LIKEURS:			
Kersie-Brandewyn	5/6	5/6	31/-
Anys-Brandewyn	5/6	5/6	31/-
Gemmer- Brandewyn	6/6	5/6	31/-
Lemoen- Brandewyn	6/6	5/6	31/-
Peperment-Likeur	6/6	5/6	31/-
Van der Hum	6/6	5/6	31/-

JENEWER LIQEURS:			
Lemoen-Jenever	7/6	6/6	—
Suurlemoen- Jenever	7/6	6/6	—

Voeg by 5/- vir kasse en bottels, en 12/3 vir vaartjie wat vergoed sal word by terug-sending. Ons lewer drank in ons inhouers selank ons voorrade van inhouers het, en alleenlik op voorwaarde dat die inhouers binne ses dae aan ons terug besorg word. Weens bottel skaarste kan ons alleenlik in ons elbottels, klasse drank verpak, waar sulke drank 'n minimum prys van 21-5-0 behoop (5/- vir inhouers ingesluit). Indien goedkoopere klasse verlang word moet u u eie inhouers aan ons stuur.

Word verkoop in 12-bottel-kasse of 3-gelingvaartjies of groter. U klasse van 12 bottels kan Wyn, Brandewyn, Jenever, Likeur, Vermouth en Hanekraai bevat. Terme: — K.M.B. plus trekgeld na sytyme, K.B.A. plus trekkommissie. V.O.S. OUDTSHOORN.

Bestel van

JURGENS SCHOEMAN

Posbus 142.

Oudtshoorn.

MEUBELS

PRYSE STYG VINNIG.

KOOP NOU!

ONS HOU ALLEENLIK GOMIE EWALITEIT MEUBELS IN VOORRAAD.

Werda Meubelhandelaars (Eiendoms.) Beperk,

Groote Kerkgebou, KAAPSTAD.
Posbus 210. Foon 2-6806.

O.B.-VROU LE KRANS BY MONUMENT

Stryd Sal Vooriduur

'n Plegtige kranselegging het Saterdagmiddag, 15 Mei, by die Vrouemonument plaasgevind, toe die dames wat 'n O.B.-spinkursus in Bloemfontein bygewoon het, hulde gebring het aan die nagedagtenis van die vroue en kinders wat hul lewe in die Afrikaanse vryheidstryd geoffor het.

'n Erewag van 120 dames, almal in wit gekleed, is opgestel onder bevel van hoofkomdte. mev. H. C. van der Merwe, om die Leier, dr. J. F. J. van Rensburg, te ontmoet.

Die verrigtinge is geopen met 'n kragtige gebed deur ds. P. Boshoff, waarna die kranse plegtig gelê is deur genl. mev. C. Meyer, namens die Vrystaatse vroue en hoofkomdte. mev. P. J. Grobbelaar namens die vroue van die Vryburgse Generaalskap. Indrukwekkend was die stilte van 'n minuut wat gevolg het toe almal teenwoordig op aandag gestaan en die Gebiedsgeneraal, genl. J. F. van der Merwe, die saluut gegee het. Die eerste vers van „Gedenk” is toe aangehef.

Die Kommandant-generaal het 'n paar woorde gesê. Pres. Steyn was die laaste om toe te tree tot die Anglo-Boere-oorlog, het spreker verklaar, maar toe hy die oorlog verklaar het, het hy volhard tot die einde. Toe aan hom gesê is dat die manne doodgeskiet word en honderde vroue en kinders daagliks omkom en of hy die verantwoordelike wil aanvaar om die stryd voort te sit was sy antwoord dat hoe langer die stryd duur, hoe meer gaan omkom; hoe meer omkom, hoe minder durf opgehou word met die stryd. Hy is bereid om verantwoording daarvoor te doen voor die regbank van die geskiedenis en ook hierna.

Spreker het voorts verklaar dat gesê word dat die Vrouemonument 'n teken van rassehaat is. Dit is nie die geval nie, want dit is om die gestorwenes te eer. Vandag is daar ook 'n stryd onder ander omstandighede. Die monument is vir ons 'n besieling om met die stryd voort te gaan. Hoe meer van ons mense gevang en geïnterneer word, hoe minder durf ons met die stryd op-hou.

Met die sing van die vierde vers van „Die Stem” is die verrigtinge ordelik beëindig.

NOODHULP-UITGAWES

Onderstaande staat van inkomste en uitgawe tot 30 April 1943 word deur die Sekretaris van die Sentrale O.B.-Noodhulpfonds verstrek:—

Inkomste:	
Reeds erken .. .	£23,829 3 0
Maart 1943 .. .	2,264 17 2
April 1943 .. .	933 11 5
	£27,027 11 7
Uitgawe .. .	
	27,762 15 8
Debet .. .	£735 4 1

O.B.-NOODHULPFONDS

Die volgende verdere bydrae tot ons fonds vir hulpverlening aan die afhanklikes van geïnterneerde Afrikaers is aan die O.B. bekend gemaak:

KAAPLAND TOT 20 MEI	
Reeds erken .. .	7,638 19 2
Offergeld Karoo Bossies Kaapstad .. .	2 7 0
Offergeld Boer Kaapstad .. .	3 17 4
Kalahari Kommando .. .	4 10 0
Montagu Vroue-Kommando .. .	1 14 6
Knysna Kom., Des., Jan. en Feb. .. .	6 17 6
Penkop-dogters Beaufort-Wes .. .	1 0 0
Boetegeld Sersant Suider-Paarl .. .	10 0
Veldkornetsk C. M.-K. S.-Paarl .. .	1 9 0
Riversdal Kommando's .. .	13 6 6
Bonnievale M.- en V.-Kom. .. .	35 3 0
8 maandelike bydraes van 2/6 .. .	
A. v. Zyl Bonnievale .. .	1 0 0
Vriende Kaapstad .. .	2 0 0
Maart Bydrae Vriend Bellville .. .	10 0
H/Komdt. v. d. Merwe Kaapstad .. .	10 0
Offergeld April V.-Kom. Paarl .. .	4 0 0
Vroue-Kommando Swellendam .. .	1 13 0
Offergeld George Kommando .. .	1 8 0
George Kommando .. .	5 0 0
Mr. Henning Verster .. .	
Middelburg K.P. .. .	2 0 0
Maandel. bydrae Aliwal-Noord .. .	
Vroue-Kommando .. .	4 10 0
Weeklikse bydrae Veldskoening .. .	
Oudtshoorn .. .	2 2 8
Weeklikse bydrae Veldskoening .. .	
Oudtshoorn .. .	2 0 2

GEDWING OM KOMMUNIS TE WORD

Een van die Kommunistiese kandidaat vir die aanstaande verkiesing, 'n Afrikaanderdogter met die naam Joey Fourie, het onlangs by geleentheid van 'n openbare vergadering haar redes genoem waarom sy 'n kommunist geword het. „Ek het as Afrikaanderdogter uit Oudtshoorn na die stad gekom en by een van die rykste firmas kom werk teen die hongerloon van £3 per maand,” het sy verklaar.

Die Ossewabrandwag het die grootste simpatie met Afrikaers soos hierdie wat deur kapitalistiese wreedheid en partypolitieke magtelosheid in die arms van die kommunisme gedryf is. Aan Afrikaers soos hierdie sê hy: Ons wil julle alles gee wat die kommunisme julle op ekonomiese gebied kan gee, want ons staan vir die idee van ek is my broer se wagter. Maar daarby gee ons julle nog iets wat die kommunisme julle nie kan gee nie en dit is deelgenootskap aan 'n volk, julle volk. Om deur middel van die Ossewabrandwag gered te word, is dit nie nodig dat julle eers julle nasieskap moet prysgee soos die kommunisme vereis nie. En ons gaan julle red selfs al beveg julle ons vandag, want ons besef waarom julle dit doen.

VROU SORG YWERIG VIR GEVANGENES

Die Vroue-kommando van Uitenhage het die afgelope maande baie belangrike volksdiens verrig. Sedert Oktober verlede jaar tot die middel van April jl. het hulle die bedrag van £79 12s. 7d. ingesamel ten behoeve van Afrikaers wat slagoffers geword het van Empire-vervolging. Deur die ywer van hierdie vlytige vroue kon die nood van gevange Afrikaers en hul afhanklikes in daardie omgewing geloenig word.

Lys 648 Die Vlake Kommando .. .	1 12 0
F. J. Bezuidenhout, Slabberts .. .	6 0
Wynberg Manne-Kommando .. .	4 1 3
Wynberg Vroue-Kommando .. .	2 12 0
Trietlei Manne-Kommando .. .	3 7 6
Vriend Kanonelland .. .	10 0 0
Vriend Philadelphia .. .	10 0 0
Mnr. J. Eksteen Klipheuwel .. .	10 0 0
Mnr. J. Blaauwenberg Klipheuwel .. .	5 0 0
Mnr. J. P. v. d. Spuy, Klipheuwel .. .	5 0 0
Mnr. de V. Loubser Klipheuwel .. .	2 0 0
Mnr. J. v. Niekerk Van Rhynsdorp .. .	5 0 0
Vriend Van Rhynsdorp .. .	10 0
Vryheidsdagkoll. Port. Elizabeth .. .	5 0 0
Maandel. bydrae V.-Werksgeselskap .. .	
Stellenbosch .. .	1 5 0
Weekl. bldrae Veldskoening .. .	
Oudtshoorn .. .	2 3 8
Maandel. bydrae Christiaan .. .	
de Wet Manne-Kom. .. .	2 17 0
Lys 650 Vroue-Kom. Bellville .. .	5 3 9

Totaal: £7,812 13 0

BYDRAES TOT AANBOD H/GENL. SCHOEMAN

Reeds erken .. .	£ s. d.
Spesiale bydrae Springbok Kom. .. .	1,493 19 2
Vriendskap Sentrum Sutherland .. .	32 5 0
Area mevr. Scribante Keimoes .. .	5 0 0
Area mevr. Beyer Keimoes .. .	2 0 0
Mev. van Aarde Keimoes .. .	10 0 0
	3 10 0

Totaal: £1,546 14 2

TRANSVAAL TOT 15 MEI.

Reeds erken .. .	£ s. d.
Kwit. Nos.:	
3340 9A4 .. .	8 16 1
3341 10C4 .. .	40 12 6
3342 7A1 .. .	3 3 0
3343 7C2 .. .	9 17 0
3344 13A1 .. .	5 15 0
3345 9B2 .. .	1 13 3
3346 9B2 .. .	3 17 9
3347 8A4 .. .	6 0
3349 2A1 .. .	6 2 0
3350 Bydrae .. .	1 0 0
3351 3B1 .. .	3 5 10
3352 3C1 .. .	1 10 0
3353 3C1 .. .	14 6
3354 Bydrae .. .	20 0 0
3355 Bydrae .. .	20 0 0
3356 7A .. .	28 15 1
3357 10C2 .. .	3 10 0
3358 10C5 .. .	3 10 0
3359 4C6 .. .	2 2 0
3361 9C4 .. .	4 0 6
3362 10C4 .. .	2 11 0
3363 3C4 .. .	13 11 0
3365 3A6 .. .	6 14 6
3366 14C3 .. .	4 10 0
3367 14C6 .. .	4 10 0
3368 9A7 .. .	1 19 0
3369 3B1 .. .	10 0
3370 3A3 .. .	1 19 0
3371 E3 .. .	7 2 10
3372 1B4 .. .	2 15 0

Totaal: £17,696 11 9

Ten spyte
van omstandighede, kry u
nog steeds 'n besondere
deftige verskeidenheid

Damesuitrusting

by

Steyns

PAROW

DIE MODERNE DAMES-
MODISTE

L.W.—Ons is elke Woensdag gesluit.

ONS SOEK



TRANSVAAL: 250 morg, 7 myl van Hendrina, skoolbus oor die plaas, ook spoorwegbus vir vervoer van plaasprodukte; baie goed omheind, 4 kampe, 100 morg saailande, rool, swart en sandgrond, lewer jaarliks 800—1,000 sakke mielies en meer as 200 sakke bone; 2,000 bloekom- en baie vrugtebome; moderne 11-vertrekwoonhuis, motorhuis, klipkrale, 40 by 30 voet waenhuis. Prys £1,850. (No. 198).

VRYSTAAT: 651 morg, 12 myl van Parys, 3 myl van stasie, 3 myl van skool; goeie 12-vertrekwoonhuis, melkrondeval, waenhuis, krale, skuur vir 1,200 skape, windpomp met dam, 2 fontein, 3 damme, 4-vertrek-bywoonhuis, 9,000 wingerdstokke, 800 bloekom- en 120 vrugtebome, volop soetdoringbome; 4 welkampe, 3 saai-kampe; uitstekende weiveld, het in geen droogte nog ooit met vee getrek nie; gronddele oes 1,000 sakke mielies, ook baie kafferkring geplant. Prys £5,400. (No. 170).

KAAPLAND: 625 morg, 25 myl van Burgersdorp, 14 myl van stasie; 12-vertrekwoonhuis met telefoon en water aangelê, melkkamer, motorhuis, pakkamers, krale, ens.; 2 boorgate, een met windpomp, een loop water bo-uit, 8 fontein, 2 grond-damme, een sinkdam, 6 velddamme; landerye verdeel in 17 kampe, 20 morg onder besproeiing, 120 morg droëlande, nog 50 morg ploegbaar, beste plaas in Burgersdorp-saaiarea; gebroke weiding, van die beste, wol vorige seisoen 20½ behaal. Prys £5,500. (No. 199).

NATAL: 706 morg, 25 myl van Vryheid, 10 myl van stasie, 2 myl van bushalt, 6 myl van poskantoor, 10 myl van skool; 5-vertrekwoonhuis, rondavel, buitegeboue, beesdip; 3 sterk spruite deur die plaas, 10 morg onder besproeiing, 20 morg droëland, nog 50 morg ploegbaar, bone, lusern, kafferkring, ens.; 15 morg basbome, 30 morg natuurlike bosse; goeie somer- en winterweiding; wingsgewende steenkoolbank, 3 myl lank, 1 myl breed, 9 voet dik. Prys £3,200. (No. 200).

RHODESIA: 550 morg aan hoofspoorlyn Bulawayo-Salisbury, 6 myl van Daisyfield, 33 myl van Gwelo, die sentrale beesmark; gesonde hoëveld, geen koors, omheind, 5 kampe, 4 en 5 doringdrade en staalpoorweg-dwarsleërs; goeie woonhuis, koelstalle, buitegeboue, krale, varkhokke, hoenderkampe, roomhuise, beesdip; uitstekend vir suiwel-, vark- en hoenderboerdery; windpomp op put, met pype na huis, 2,500 bloekom-bome, standhoudende spruit vir vee-water oor die plaas. Prys £1,350, of te ruil vir stadsieendom ergens in die Unie. (No. 121).

ZULULAND: In die hartjie van die bloekombosouplantasies, 640 akker, waarvan 400 akker reeds beplant met 1 tot 7 jaar oud bloekom-bome, nog 50 akker word beplant; die waarde van hierdie plantasies alleen sal oor 'n paar jaar baie meer wees as die koopprys; eersteklas 7-vertrekwoonhuis, ens. Prys £7,800, of te ruil vir 'n ander plaas. (No. 201). Meer uitvoerige beskrywing van hierdie en ander plase, op aanvraag, van: STEUNMEKAAR, die vinnige plaas-verkopers, Malherbestraat 268, Pretoria. Telegramme: „Steunmekaar.”

HERHOLDT SE BOOMKWEKERIE
Posbus 660, Johannesburg.

Pragtige voorraad Wit Genoa, Adriatic, Kaapse Wit Vycbome, Perskes, Pere, Tamatiepruime, ens. Bestel nou en voorkom teleurstelling. Katalogus gratis aan planters.

Geklassifiseerde Advertensies

HUWELIK

VAN SCHALKWYK—NIEMANN: Ons, Gert van Schalkwyk, Bethal, Trompsburg, en Martie Niemann, de Put-Wes, Edenburg, maak aan familie en vriende bekend dat ons op 1 Julie 1943 om 2.30 n.m. in die Ned. Geref. Kerk, Edenburg, trou. Geen Resepsie. Telegramme: Edenburg.

KENNISGEWING

Komdt. F. A. Smit, Tiervloet, vertrek op 'n maand verlof en Adj. Geldenhuys sal in sy plek waarnaem tesame met H/Komdt. Strauss.

GEVRA

WEWENAAR van goeie karakter vra 'n wedevrou of meisie van 30 — 45 jaar as huishoudster op plaas. Om besonderhede skryf aan: D. F. Smith, Drakens View, P.K. New Amalfi.

BENODIG

ERVARE Boorman dadelik nodig vir stamper boor. Salaris £5 per maand plus 1/- per voet. Doen ansoek: W. A. Botha, Perdefontein, Somerset-Oos.

TE KOOP

BESTE kwaliteit heuning-tee, 93 pond sak 20/-, 50 pond 10/6, 25 pond 6/- Vars aartappels, 12/- per sak. Gelewer Bus-halte, Speelmanskraal, George. K.M.B. Burger Jonck, Kliprivier, P.K. Speelmanskraal, George.

DEEL in die Winste. — Weet u alles van die opspraakwekkende verowering van die meubelmark deur 'n suiver Afrikaanse-onderneming? Excelsior Meubels se pragtbrochure toon hoe ses groot takwinkels en twee fabriek in diens van die volk presteer. U kan deel in die winste — die brochure verduidelik hoe. Skryf dadelik om gratis brochure aan: Excelsior Meubels Beperk, Posbus 6670, Johannesburg.



VARS vrugte uit u eie tuin smaak altyd beste. Bestel dadelik u eie bome om telerstelling te voorkom. DAGBREEK-KWEKERY sal u verwagting ver oortref. Verpakking- en spoorvrag vry. Gratis katalogus op aansoek. DAGBREEK-KWEKERY (Gideon Brits en Seun), Poon 3, Jachtfontein, P.K. Jachtfontein oor Johannesburg.

KAROO BOK-KRAALMIS

BESTE gehalte Kraalmis, fyn gemaal en geskik vir die gebruik in Kunsamistoestel, 32/6 per ton van 12 sakke, 38/6 per ton van 12 nuwe sakke, K.M.B., vry gelewer Unistasties. Plaas bestellings vroegtydig. My Bank: Volkskas. Port Elizabeth. J. A. Schoeman, P.S. Grootfontein, Somerset-Oos.

RAMME

Oprekgeteelde Wanganella Ramme teen baie redelike pryse. Kudde Ramme £3-10-0 tot £10. Stoot Ramme £12-10-0 en hoër. Groot karkasse met uitstekende kwaliteit en lengte die kenmerke. Skrywe aan: J. H. MOOLMAN, Merino, P.S. Cradock, Poon 112.

Woorde Mag Mooi Wees, Maar Dade Tel

• Dit help nie om u mede-Afrikaers net met woorde aan te moedig nie: Ondersteun hulle met daad en stuur al u produkte aan die bekende Markagente

G. C. du Plessis en Kie.

Môreemark, JOHANNESBURG.
Posbus 2817. Foon 33-5660. Tel. Adres: „Duplesko.”
Skryf om besonderhede en adreßkaartjies.
Bankiers: VOLKSKAS (Koop.) BPK.

DE KOCK se GARAGES

Voertuiehuise, Motordienste, MIDDELBURG, GROBLERSDAL, Transvaal, Transvaal.

Eienaar: D. D. DE KOCK

Agente vir Pontiac en G.M. Vragmotore

TOT U DIENS!

V.M.K. AANBEVEEL.

Uitgegee deur Voorslag (Edms.) Beperk, Kamer 703 Groote Kerkgebou, Adderleystraat, Kaapstad, en gedruk deur Pro-Fleetsa-Drukkery, Die Laan, Stellenbosch.